

# Pen Dinas: Taith dywys i ddysgu am ddarganfyddiadau hen a newydd

Jon Dollery: Swyddog Mapio, [Comisiwn Brenhinol Henebion Cymru](#), ac Dr Alan Chamberlain, [Fforwm Cymunedol Penparcau](#)

Pen Dinas yw un o'r Bryngaerau Oes yr Haearn mwyaf yng Ngorllewin Cymru. Mae'r fryngaer hon wedi edrych dros Benparcau, Aberystwyth a thu hwnt ers dros 2000 o flynyddoedd, yn nodwedd amlycaf a chadarnaf yr ardal. Ers 2016, mae Fforwm Cymunedol Penparcau wedi bod yn cynnal prosiect cymunedol gyda chymorth Comisiwn Brenhinol Henebion Cymru (y Comisiwn) i ymchwilio i hanes hir Pen Dinas, ac mae'r gwaith hwn wedi newid ein dealltwriaeth o'r rhyfeddod hwn o Oes yr Haearn.



Dewch i archwilio'r fryngaer anhygoel hon ar daith gerdded dywys, wedi'i harwain gan Jon Dollery (o'r Comisiwn) a Dr Alan Chamberlain (o Fforwm Cymunedol Penparcau). Byddwn yn edrych ar sut mae naratif hanesyddol y safle wedi datblygu, o'i fapio ar ddechrau'r 18fed ganrif a'i gloddio yn y 1830au i'r darganfyddiadau cyffrous newydd a wnaed gan Fforwm Cymunedol Penparcau, y mae pob un ohonynt wedi cyfrannu at hanesyddiaeth esblygol y safle.

Oherwydd amseriadau a chyfyngiadau ar gerbydau, byddwch cystal â nodi mai dim ond 15 o gynadleddwyr ar y mwyaf fydd yn gallu dod ar y daith. Felly'r cyntaf i'r felin gaiff falu. Gallwch drefnu'ch lle ar y daith ar fore cofrestru. Dylai cynadleddwyr sy'n dymuno cymryd rhan gadw mewn cof dywydd mis Chwefror (gall Aberystwyth arfordirol a safle agored Pen Dinas fod yn oer a gwlyb iawn); felly dylech wisgo dillad ac esgidiau priodol. **Bydd y bws mini yn gadael campws y brifysgol am 8:30am.**

